



## Abstre

Marie-Therese Choppy  
Komite Lalang Kreol  
Lenstiti Kreol Sesel

### Lalang Seselwa an mouvman

Kreol Seselwa (KS) i en lalang kontak, e parey lezot lalang kontak, i fer fas avek posibilite vin en lalang an danze. Bann lengwis ozordi i zeneralman dakor ki i annan apepre 7000 lalang an izaz dan lemond, e ki omwen lanmwaye sa bann lalang i kapab disparet dan ankor detruwa zenerasyon akoz bann zanfan nouvo zenerasyon i nepli aprann zot koman zot premye lalang. Bann tel lalang i bann lalang an danze.

I annan plizyer Kreol dan lemond ozordi ki kapab klasifye koman lalang an danze. Dan ka Kreol Seselwa, in annan bokou ki'n ganny fer pour valoriz e asir son sirvi. Zeneralman, KS i ganny konsidere koman en lalang an bonn sante. Sepandan, bann devlopman resan lo lasenn lengwistik Sesel i kapab fer li neserer pour rekonsider abilite KS pour sirviv dan en konteks long term, dan son laform aktyel.

Bi sa papye se pour zet en regar lo bann diferan laspe bann lalang an danze, pli spesifikman, bann pti lalang parey Kreol, ki son lizaz i restrikte a bann pti kominote parey Sesel.

I annan en seri terminoloji an izaz aktyelman ki servi pour eksprim degre risk ki en lalang pe fer fas avek. Grenoble ek Whaley in propoz en mezir evalyasyon ki servi sis dimansyon pour evalye degre risk bann lalang an danze:

Sen e sof	A Risk	Anvwa Disparisyon	Apenn vivan	Preski disparet	Disparet
-----------	--------	-------------------	-------------	-----------------	----------

An servan sa mezir, ki stati Kreol Seselwa?

